

الفاجومي

الأقدي الذي أخبرنا بتتحي
عبد الناصر قبل عبد الناصر

- يوم الجمعة الحزين ظهر عبد الناصر على شاشة التليفزيون كالأسد الجريح وألقى بيان التنحي.
- بعد البيان صرخت.. لا.. مستحيل.. مش ممكن.
- في نفس واحد.. هتفت الجماهير؛ بلادي بلادي بلادي.



obseikan.com

كان أبويا المرحوم على الشمروخ أوقات الشدايد- ومكترها- يقول لنا يا ولاد ما تنزعجوش م المصايب. دا ربنا قبل ما يقدر البلا بينزل اللطف... سبحان الله... تقولش سبحانه وتعالى كان عارف إن كتافنا المهمله مش حتشيل تقل البلوى فاختر بلطفه يوم الجمعة ٩ يونيو سنة ١٩٦٧.... أهى الناس بتبقى قاعده فى البيوت وكل منهو مستخبي فى هدومه، ودافن الوجيعه فى السكات.

طب دا إحنا يوم الخميس الدامى اللى هو امبارح وكانت الرؤيه لسه ماثبتتش.. كان حالنا حال كان كل واحد فينا حاسس إنه عامل عامله ومكسوف يبص فى وش أخوه... دا غير بقى اللى كان له شاب ولا اتنين ع الجبهه ومش عارف لهم طريق جره... وكاتم الدم ع القبيح ومش قادر يسأل عن العزيز الغايب وإلا يبقى خاين وأنانى ومش هامه غير مصلحته الشخصيه وناسى هموم الوطن الكبير اللى هو عدم المؤاخذه م المحيط للخليج!

تعالى بقى ليوم ثبوت الرؤيه اللى هو يوم الجمعة الحزينه يوم ما وقعت البقره كترت عليها السكاكين... الوشوش كانت صفرا صفرا الموت والأنفاس مكروشه وكأن الشعب المصرى كله جات له والعياذ بالله نوبه ربو أو حاله احتضار جماعيه... وسى الراديو عمال كل خمس دقائق يعلن عن بيان هام حيلقيه الرئيس جمال عبد الناصر على الأممه فى تمام الساعه المش عارف كام والناس فى حيص يبص وياترى يا هلترى... وفجأه قال وجيه القاياتى لسعد الموجى:

- إلا قول لى يا بو سعده... هو عرابى برضه كان هرب؟

وانفجرنا بالضحك ثواني وغرق بعدها صوت الضحك فى بحر السكات وحاول أوزوريس الخروج بينا من جو المأساه فسأل سعد:

- لكن تفتكر يا بو سعده الصعايده حيسكتوا؟ وضحك لوحده وقال منير سويلم

وكأنه بيكلم نفسه:

- يا ترى حيقول إيه فى البيان؟

ورد عليه واحد أفندى ما أعرفوش كان قاعد يتكلم بلهجه العالمين بيواطن الأمور
عن قوه أمريكا الرهيبة ويردد- بزهو - عباره هيكل الشهيره (نحن لا نستطيع أن
نناطح الولايات المتحده الأمريكيه) قال الأفندى إياه ردًا على سؤال منير:

هيستقبل طبعًا إذا كان عنده دم

دا قائد مهزوم ياباشا ولو كان بيحس كان لازم يتتحرزى هتلر.. هتلر انتتحر
وموسولينى انتتحر.. وحتى كليو باترا انتتحر.

اتهيألى إنى أقوم أجيب زماره زوره بسنانى لكن محمود اللبان قال:

- أنا باقول يمكن يضربهم بالذريه... دى عالم ما ينفعش فيها غير الذريه... مش
احنا برضه عندنا الذريه؟

وضحك أوزوريس تانى وقال له:

- طبعًا يابو حنقى... عندنا الذريه الصالحه. وقال فؤاد السبكى:

- اللى مش مفهوم يابو سعده لغايه دلوقتى هو موقف الاتحاد السوفيتى. فقال
الأفندى:

- الاتحاد السوفيتى لو فتح بقه حياكل نفس العلقه.

قلت له بغيظ:

- أنت جايب العلم دا كله منين؟

ضحك وقال لى بسخرية واضححه:

- دا بعض ما عندكم.

قلت له:

- أنت جاسوس.

قال لي:

- وأنت جاهل وحمار وقليل الأدب.

رحنا قايمن طابقين فى خناق بعض لولا إنهم حجزونا.. وبدون ماحد يشعر
قمت نزلت وفضلت ماشى من بيت وجيه فى درب الحماميز لحد ما وصلت بيت
مصطفى خال عفاف بنتى فى غمره... وصلت إزاي؟ مش عارف.. توهه.. وربنا
يجازى اللي كان السبب لقيت الموضوع نفسه فى شقه العزاب اللي مع مصطفى...
العيون مطفيه والضحكه اللي كانت بتزعج الجيران ميته والحزن رامى تقله ع المكان..
وسألنى أحمد الزينى:

- إيه أخبار الجيهه؟

قلت لمصطفى:

- أنا ح أنام وصحبنى قبل إذاعه البيان:

الساعه مش عارف كام قعدنا قدام التلفزيون ما فيش نفس طالع.. وظهر عبد
الناصر.. الأسد الجريح... عيون الصقر دبلانه ومكسوره واللمعان المخيف اللي كان
بيشع منها انطفى والوش الأسمر اللي كان بيطفح شباب وحيويه عجز وشاخ بين
يوم وليله وكان صاحبه طالع م القبر يشم هوا وراجع تانى... يا خسارتك فى الحزن
يا مصر... يا عيني عليك يا جمال ياللى كنت امبارح بس عتتر زمانك وفارس
عصرك وأوانك... يا ترى الحصان هو اللي انكسر تحتك ولا أنت اللي انكسرت فوق
الحصان؟ زمان كانوا يقولوا لنا:

- الولس كسر عرابى.

واحنا من خمستاشر سنه طردنا الملك والإنجليز والبشاوات حيجيننا الولس مينين؟

وبدأ عبد الناصر البيان:

جريت عليهم واستخبيت فيهم وفضلنا نجري ونصرخ وكل مانعدى على شارع جانبى ولا حاره يقابلونا ناس طالعين يجروا وينضموا لنا لحد ماوصلنا ميدان الجيش كان الميدان ترش فيه الملح ما ينزلش الأرض.. سمعت صوت جاي من ورايا ويقول عباره غريبه لبشت جتتى ورجعت أصرخ لا... مستحيل... مش ممكن الراجل بيقول: تاه الملاح والموج غدار يامراكبيه!

وسمعنا أصوات بتقول:

- على بيت الريس فى منشيه البكرى.

واندفعت الناس فى اتجاه العباسيه... كل بلكونات شارع العباسيه تقريباً كانت مليانه نسوان بتصوت وتلطم ورجاله بتصرخ بشكل هستيرى لكن بيقولوا عبارات مش مفهومه... مافيش جملة توحد الناس... كل واحد كان بيغنى على جرحه... ما فيش خنوه تجمع المصريين اللى طول عمرهم يغنوا! فى الفرح وفى السبوع وفى الموت وفى الحصاد وفى

الكنيسه والجامع وعلى ضهور الركائب فى البر وعلى سطوح المراكب فى النيل وفجأه وبدأ يغنى بلادى بلادى.. غريبه! النشيد دا كان ممنوع أيام الثوره باعتبار إنه بيتكلم عن مصر ومصر تعيش أنت وبقى اسمها الجمهوريه العربيه المتحده!.. متحده مع مين؟ مش مهم.. المهم ان اسمها كده وبناء عليه اتولفت أناشيد جديده تناسب المقام من ماركه ياجمال يا مثال الوطنيه وناصر كلنا بنتحبك. واحنا الشعب اخترناك من قلب الشعب وياجمال يا حبيب الملايين وحاجات مالهاش أول من آخر.. كل يوم تقريباً كنا بنسمع نشيد جديد من هذا النوع وياويلك إذا جت مناسبه وطنيه.. تبص تلاقى الأناشيد نازله ترف وكأن واحد دلوقته زلط على دماغك وأنت حالق جلط.

المهم صاحبنا دا بدأ وإذ بالشارع والناس والبلكونات والشبابيك فى نفس واحد وكأنتك بتسمع فرقه كورال مدربه:

بلادى بلادى بلادى

لكى حبي وفؤادى

مصر يا أم البلاد

انتى غايتى والمراد

وعلى كل العباد

كم لنيلك من أيادى

يخرب عقلك ياسيد يادرويش.. دانت أتاريك بلوى مسيحه... بقى كل الأناشيد
اللى انصرف عليها دم قلب مصر واللى جندوا لها جيوش من فحول الشعرا
والملاحناتيه واسطوانات المغنوياتيه.. كل ده يسقط فى لحظه ويضيع فى الزحام المجنون
وتطلع لى أنت من قلب المظاهره بعودك الكحيان وصوتك المشروخ الأجش:

مصر يا أرض النعيم

سدتى بالمجد القديم

مقصدى دفع الغريم

وعلى الله اعتمادى

بلادى بلادى بلادى

لك حبي.. وفؤادى

أيوه أيوه ياعم الشيخ سيد يابو قلب جنينه وريشه ذهب... مدد ياموال الوجه
والحلم.. والموت والحيا.

مصر أنتى أغلى دره


فوق جبين الدهر غره

يابلابدى عيشى حره

واسلمى من كل عادى

بلادى بلادى بلادى

لكى حبي وفؤادى



ريشة الفنان: هيممة

وصلتني رساله بمتهى الوضوح وعرفت ليه أنت باقى أقوى من الموت والزمن
مدد ياسيد يا اسكندرأتى مدد على طول المدد.

وصلنا مشارف منشىه البكرى وإذا بالمدافع المضاده للطيارات تلهب السما بسيل
من القذائف اللى كانت أصواتها بتزلزل الأرض.... لكن العجيب إن الناس ما
خافوش ووقفوا يعنوا... بلادى بلادى وبعد فتره انطلقنا نحجى فى اتجاه البلد واحنا
بتغنى والدنيا ضلمه لكن ونس... عمرى ما حسيت بالأمان والونس زى ما حسيتهم
وأنا باجربى فى الضلمه فى وسط ناس ما اعرفهمش فى الليله المرعبه ليله ١٠ يونيو
١٩٦٧.

إيه اللى حصل تانى يوم؟ ما تسألينش.. أنا كنت نايم سطيحه وآخر حاجه شفتها
قبل ما أنام كانت المانشيت الرئيسى لجريده الأخبار- الشعب يقول لا! - غريبه! طب
ما الشعب كل يوم بيقول عشرين لا والسجون والمعتقلات مليانه ناس كل جريمتهم
إنهم قالوا لا... اشمعنى بقى اللادى هى اللى جت على معدتكو ونشرتوها، ونمت
وصحيت لقيت الرئيس جمال عبد الناصر رجع فى كلامه- تلبيه لنداء الشعب-
وبقى رئيس من أول وجديد.. يعنى اللى فات مش محسوب!

